

**Athbhreithniú Polasaí i  
dtaobh Oideachas Caidrimh  
agus Gnéasachta(O.C.G.)**

**Gairmscoil na bPiarsach**

### **Baineann an polasaí le:**

Scoláirí, tuismitheoirí, foireann teagaisc agus bainistíocht na scoile chomh maith le Bord Oideachais agus Oiliúna Gaillimh/Ros Comáin.

Is ar tuismitheoir/caomhnóir an pháiste atá an príomhdhualgas i leith Oideachas Caidrimh agus Gnéasachta. Ról comhlánach atá ag an scoil sna cúrsaí sin.

### **Cúis**

Tá Oideachas Caidrimh agus Gnéasachta curtha san áireamh mar chuid de pholasaí ginearálta den Oideachas Sóisialta Pearsanta agus Sláinte(O.S.P.S.) chun caidrimh a chur chun cinn ina bhfuil dínit an duine lárnach.

### **Aidhmeanna**

- Cabhrú le tuismitheoirí oideachas a chur ar a bpáistí san ábhar seo.
- Forbairt scoláirí a spreagadh i dtreo caidrimh atá measúil.
- Cabhrú le scoláirí tuiscint agus scileanna a shealbhú atá riachtanach le cairdis freagracha a dhéanamh.
- Scoláirí a spreagadh chun staonadh agus féinsmacht a chleachtadh maidir le gnéas de, mar réamhriachtanas d'fhorbairt iomlán an duine.
- Ábaltacht a thabhairt do scoláire dearcadh agus luacha a fhorbairt i leith a gcuid gnéasachta, i gcomhthéacs mórálta, spioradálta, agus sóisialta a thagann le meon .
- Spreagadh do scoláirí luach agus fiúntas shaol na clainne a thuiscint, agus freagrachtaí tuismitheora a thuiscint.
- Cabhrú le scoláirí scileanna a fhorbairt chun glacadh le brú, coimhlint agus bagairtí ar shábháilteacht phearsanta.
- Tuiscint a thabhairt ar fhorbairt dhearcadh dearfach phearsanta, agus scileanna chun féin luach a thógáil.

### **Ábhar**

- Déanfar teagasc in Oideachas Caidrimh agus Gnéasachta i nGairmscoil na bPiarsach le comhoibriú tuismitheoirí/caomhnóirí agus le tacaíocht na scoile.
- Níl aon riachtanas ar aon tuismitheoir go mbeadh a mhac/iníon rannpháirteach san Oideachas Caidrimh agus Gnéasachta. Más toil leis na tuistí a bpáistí a bheith as láthair agus ábhair ar leith á bplé, beidh orthu é sin a chur in iúl don Phríomhoide i scríbhinn agus maoirseacht a chur ar fáil dá bpáistí i rith na gceachtanna sin.
- Múinfean an clár O.C.G. i nGairmscoil na bPiarsach i gcomhthéacs a léiríonn dínit an duine, le meas ar an gcorp daonna a bheith beannaithe agus luachmhar.

- Is móráltacht bunaithe ar luachanna agus prionsabail na Críostaíochta a úsáidfeadh sa mhúinteoireacht.
- Ba cheart fealsúnacht an pholasaí seo a bheith i bhfeidhm le haon mhúinteoireacht traschuraclaim den Oideachas Caidrimh agus Gnéasachta.
- Cuirfeadh na hacmhainn mhúinteoireachta Oideachas Caidrimh agus Gnéasachta ar fáil do thuismitheoirí/caomhnóirí, le scrúdú sa scoil.

### **Rúndacht:**

Is é polasaí na scoile é go gcaithfidh múinteoir dul i gcomhairle láithreach leis an bPríomhoide nó leis an gComhairleoir Treorach má mheastar gur amhlaidh go bhfuil dalta i mbaol mí-úsáide de chineál ar bith nó ag sárú an dlí.

Tá an méid seo leanas ina pholasaí scoile chomh maith:

- a) ná gealladh múinteoirí rúndacht gan choinníoll;
- b) bíodh a fhios ag na daltaí go bhféadfaí eachtra ar bith a chur in iúl don bPríomhoide nó do thuismitheoirí, b'fhéidir, má chineann an Príomhoide go bhfuil sé chun leasa an dalta é a chur in iúl do thuismitheoirí;
- c) baineadh múinteoirí feidhm as a mbreithiúnas proifisiúnta chun a chinneadh ar chóir an rún a choinneáil tar eis dóibh an t-eolas a chloisint.

Maidir le cursaí cosanta leanáin, ní mhór tagairt a dhéanamh de chaibidil 4 (Tuirisc a thabhairt ar ábhar imní agus ról Fheidhmeannacht na seirbhíse sláinte) de nósanna imeachta maidir le caomhnú leanáin i mbunscoileanna agus iarbunscoileanna. (Cóp le fáil ón scoil nó ó suiómh idirlíon na scoile ag [gairmscoilnabpiarsach.com](http://gairmscoilnabpiarsach.com))

### **Feidhm a bhaint as as aoí-chuairteoirí**

- a) Is é polasaí na scoile é gur fearr an chuid is mó den chlár OCG a phlé go hoscailte le múinteoirí a bhfuil aithne ar na daltaí orthu agus muinín acu as/aisti. Is féidir le cuairteoirí caighdeán an tsoláthair a fheabhsú, áfach, chomh fada agus a úsáidtear iad i dteannta chlár phleanáilte OCG, ní ina ionad.
- b) Cuirfidh an Comhordaitheoir OSPS cóip den pholasaí OCG seo ar fáil don chuairteoir i bhfad roimh an gcuairt. Tar éis faomhadh a bheith faighte ón bPríomhoide don chuairt cuireann an t-eagraitheoir éiteas na scoile agus modh chur in iúl don chuairteoir.
- d) Chun eolas beacht a thabhairt don chuairteoir faoi riachtanais an ghrúpa agus chun an leas is fearr a bhaint as an am a bhfuil an cuairteoir ag dul ag caitheamh leis seo is inmholta an rud é ceisteanna a leagadh amach roimh ré agus iad seo a

chur ar aghaidh chuig an gcuairteoir. Cuimseoidh sé seo na daltaí sa chuairt agus cruthófar eispéireas níos ábhartha dóibh- éascaíonn sé an phleanáil chomh maith.  
e) Ba cheart an Oifig a chur ar an eolas faoin dáta agus faoi ainm an chuairoteora.

### **Homaighnéasachas**

Ní chuireann na múinteoirí chun cinn aon stíl bheatha mar an t-aon stíl bheatha atá inghlactha sa sochaí agus dá bhrí sin tá sé dosheachanta agus tá sé nádúrtha go ndéanfar an homaighnéasachas a phlé i rith chlár oideachas gnéasachta. Ceann de na buntáistí a bhaineann le ceisteanna maidir leis an homaighnéasachas a chíoradh is ea go dtugann sé deis tuairimí agus teoiricí bréagacha a cheartú agus tabhairt faoin réamhchlaonadh. Ba cheart go mbeadh an plé faoin homaighnéasachas aois-oiriúnach do na daltaí.

### **Frithghiniúint**

Déileálfar leis an topaic seo i mbealach aois-oiriúnach, oscailte agus breithneofar gach gné de na ceisteanna i mbealach neamhthreorach.

### **Riachtanais Speisialta**

B'fhéidir go mbeadh páistí a bhfuil riachtanais speisialta acu i ngátar cabhrach níos mó ná mar a bheadh páistí eile agus iad ag éirí aníos agus ag déileáil leis na gnéithe fisiciúla agus mothúthánacha de sin. Tharlódh go mbeidís, chomh maith, i ngátar cabhrach níos mó agus iad ag foghlaim na saghasana iompraíochta atá inghlactha nó nach bhfuil, agus dá n-ullmhú agus dá gcur ar a n-aire in aghaidh mí-úsáide ag daoine eile.

### **Cur i bhfeidhm**

Beidh an polasaí seo curtha i bhfeidhm ag an bpríomhoide, múinteoirí, scoláirí agus tuismitheoirí.

Eagróidh Coiste na dTuistí/Bainistíochta na scoile oícheanta eolais ó am go chéile le tacaíocht a thabhairt do thuismitheoirí san oideachas seo.

Déanfar athbhreithniú ar an bpolasaí ag tús an scoilbhliain 2016/17 nó níos tuisce má gá. Foafa ag Bord bainistíochta Ghairmscoil na bPiarsach, Rosmuc ar an .....

Siníthe.....

Cathaoirleach an Bhord Bainistíochta

